

鄧海濱著

世界書局印行

環遊二十九國記



目次

序	一一一
贅言	一一二
日本	一一〇
美洲五國	一七七
美利堅	一
墨西哥	二九
巴拿馬	三四
古巴	四四
加拿大	五九
法蘭西	一一九
瑞士	一二九

意大利……麻納哥……	一一三八
奧大利……	一一一〇
匈牙利……	一一一七
捷克斯拉夫……	一一一二
德意志……	一一一八
瑞典……挪威……丹麥……	一一一六
荷蘭……	一一一三
比利時……盧森堡……	一一一四
英吉利……	一一二〇
葡萄牙……西班牙……	一一二三
地中海東岸諸國——非洲——歸途……	一一〇〇
希臘……	一
土耳其……	一七

西里亞……………三四

巴力士登……………四二

埃及……………四六

印度……………七四

新加坡……………八二

安南……………八七

旅行意見……………一九

中西文人名地名對照表……………一六

附索引……………一一〇

意大利 摩納哥

米蘭在意國北方。爲意國第二都會。商業最盛。絲業尤稱於世。但道路已多不寬。復不整潔。公園亦不大。路樹尤少。此地在意大利以富名。然實狀處處表現。最奇之事。則中國有前清沿至今之領事。其人則意大利人。復路遇一賣珠串之中國人。到瑞士意大利後。遇見中國人。此爲第一次。與語不通。後知係浙江青田人。數萬里來此謀生。只知幾意幣。他無一語通者。聞常遭其警察拘拿。亦不能一語剖白。法國亦有之。殊可憐也。米蘭于今日意大利最有關者。則現時捧喝團首領慕沙里尼 *Mussolini* 爲米蘭人。捧喝團 *Fasciste* 之發源亦在米蘭。一九一九年三月捧喝團在米蘭發起。與社會黨共產黨對

抗，時僅有一千人許。迨一九三一年十一月開第一次大會時。參加團體。達二千二百。黨員總數約三十二萬。造成今日之意大利局面。現今米蘭猶爲捧喝團要地。主其政者係一機器工人。與慕沙里尼最密切者。前數日意王到米蘭美術展覽會。有人施放炸彈。捧喝團立召其地全體黨員開露天大會。表示黨員一致。以鎮壓反動派。足見其氣魄。故到意大利後。黨之作用。完全表見。其掛徽章之黨員。於車到時。似各有所司。黑衣軍隨地可見。在各處引導觀者。亦爲黨員。想亦寓偵探之意。是日曾向引觀之捧喝團黨員。問其此處尙有社會黨共產黨否。彼以手作勢答曰。有之即拿。今無矣。

七日精神仍不佳。但以米蘭非休息地。卽南赴海邊熱那亞 *Genova* 或 *Genoa*。此地係意國西北方要港。航線以此起點。航艇密織海面。是日適耶穌典禮之日。滿街塞道之遊人。教堂尤甚。是日草草乘馬車遊行。見道路皆係舊石路。一如中國之舊街。路樹多半無之。有者亦參差不一。多有枯焦。全無人工。園林甚多。屋雖高大。塵垢布滿窗戶。經哥倫布 *Christophe Colombo* 生長處。有斷柱十餘。參觀二教堂。皆甚秀麗。

八日參觀其舊王宮。非其時。不能入。參觀其美術館。石刻繪畫極少。然甚精。遊其墓地。數分鐘即出。車夫訝曰。此處最少須四十分鐘。方能觀完。何其速也。足見其雕刻之多而精。孰知東方人之不欲以哀痛地。作賞玩場哉。登熱那亞之麗吉 Ligia 山。四望附近之山。悉由此分派。南臨湖。東西北皆山。房屋則環海遞進。各山頂皆有炮台。尤足爲軍事重地。是日途遇一黑衣童子軍。詢其操時有若干人。幾歲須加入。悉以不知爲答。殆守秘密耶。

九日黃君履健由米蘭來訪。履健係廣東大學海外部學生。在米蘭學絲者。意國北部之留學者。吾國止履健一人。下午乃乘車遊海旁。一時有奇而驚。是日并觀哥命布石像。及在海旁遊哥命布園。園甚小。林樹尤無整理。處處皆表現意國窮狀。意國因人多地少。財窮。遂多移民他國。美國限制移民。在華盛頓時。其大學主任云。美國移民案。多半爲意大利。美國人談及意大利人。即謂爲貪詐及不潔。法國亦有同樣壓迫意大利人者。因意大利人入國。即貶價求工。雖苦工亦樂爲。稍有入息。即當地娶婦。又不入人國籍。有罪即逃回本國云。美法各國。常爲是言。聞意當局。近更注重移民法。吾國華僑

遍五洲。多爲人歡迎。而國家任其自生自滅。以觀意國。應爲頹顏。

八日乘車向世界最小之摩納國及法國南部游矣。

十日由熱那亞乘火車來法國南部。初原定由熱那亞直至羅馬等處。今折至此者。因精神不佳。法國南部氣候宜人也。車沿海西行。所過山洞甚多。蓋此間山脈多至海始盡。沿途多有村莊市鎮。種植以葡萄橄欖爲大宗。車中頗爲蒼蠅所擾。出國以來。蚊子似全未見。蒼蠅間或見之。並未被擾。惟米蘭至熱那亞。及此次所乘之車。蒼蠅乃大示其威。令人無刻可甯。因思欲社會安甯。盜賊固應肅清。然若不將蠅蚊肅清。仍未能達于真正安甯。因其擾人秩序。吸人膏血。無孔不入。無刻或停。較之盜賊過萬萬也。至聖里摩 Sauremo 換汽車入法境。車中仍不少蒼蠅。法意交界處。各在海邊石巖。路旁設關。意國出境。自無問題。法國入境。亦一看護照卽了。入法境不久。神氣似爲清爽。始知氣候使然。同一海邊。所差不過數十里。氣候判若天淵。遂使昏爽有間。奇哉。其時車中蒼蠅。亦不知道往何去。則尤奇矣。有一事須注意者。則意境內處處壁上印慕沙里尼之像。火車中另有黑衣軍查票。此則捧喝園之宣傳及偵探方法也。再過數村市。而世



館賭大國哥納摩

至界最小之麻納哥國至矣。

麻納哥 Monaco 在法國東南。濱地中海。面積八十七方里。人口二萬三千。居民以賭爲業。歐洲賭客悉集於此。國庫收入亦悉賴賭餉。原定至尼西 Nice。經此急欲見其大賭館。乃停車。須購十法郎之票。方能入內。并須檢護照。謂係入國之例。意其爲備賭博盈輸之調查乎。其賭館之堂皇。則前面花園。林深花靄。四通八達。交通便利。背臨大海。一望汪洋。築亭築場其邊。以音樂供客之飲茶酒。司門者服輝煌之制服。入內有大休息室。再左入則賭室在矣。室中大賭檯三三十。據以

賭者。每種總有百人。男也女也老也少也。或立或坐。或喜或歎。擠滿其中。而賭之怪狀。乃悉入眼中。前至米市卡利。欲至賭煙飲館一觀。未果。至里昂至其某山大賭館。則未開場。祇見其賭場宏偉。設備之華麗。及所據之山之幽雅而已。然較之麻納哥賭館。則又萬萬不如矣。賭場側有大戲院。樓上另有甚大之寫信室。閱報室。因將入夜。遂由原車赴尼西。

尼西爲歐美人避寒地。四月以前。旅館公衆遊客車等較夏天相差數倍。遊一戲園。築在海面。左有賭博場。右有跳舞場。戲場休息。卽賭博場跳舞場開始。巴黎無此現狀也。乘馬車遊街市一部。甚寬大清潔。至夜十一時。乃歸旅館就寢。此處旅館有臨海者。有據山者。余樂觀海。故在海旁旅館。擇其高樓面海之房而住。一望海天無際。至爲快意。而天風送海濤。尤覺可潑煩襟。孰知是夜海風頗大。初則貪其激響之悅耳。繼乃聲喧不息。無從入寐。比次旅行。車過阿爾卑斯山。因貪看山面暈車。此次因貪聽濤而失眠。皆可記之事也。

十一日晨。依床觀海。初覺波平作深藍色。無何遠遠似有白波冉冉而來。愈來愈近、

則繼來者愈多。激岸之浪。亦漸漸愈大。浪花起處。水色純白。白浪下處。水色變碧。浪漸大而碧色亦漸擴。近浪處成淺碧色。愈遠則色愈深。直至與藍色相合爲止。是日風愈來愈大。至出門時。眼所望多半作碧色矣。是日乘公衆遊客車。遊干內 Cannes。沿海西行。至一處海邊。車停。御者言曰。此處風景絕佳。盡各攝影。但見海水彎環。對面海岸。卽爲厄西。人家繁密。人家之後爲青山。青山之後爲雪山。雪山之後爲白雲。儼然圖畫也。至于內後。另雇車遊行其市。市民有五萬。法國南方避寒之一所也。街路房屋均至清潔。至其中學。入內參觀。此校曾爲華法教育會收中國學生處。錫三亦曾肄業於此。故其校長一見。甚親切。引至其住室。與其夫人相陪。其夫人更諸方相留。絮絮不休。直至車返時。始辭別而行。反至校內一切情形。無從詢問。祇參觀其所寄宿舍而已。據其校長云華法教育會因送學生事。尙欠伊四千法郎。今伊年老。明年休退。請余爲代設法。促華法教育會償清。免其虧累。此賬內容。一時未悉。但以前留法勤工儉學生及半官費學生。因主持者最初計算不週。以後復無法善後。遂使各處欠人學費。而學生中亦不少因費缺致死者。此事在國時。已飽所聞。到法後聞之尤痛心。誠願以後主

持者。加以慎重爲要。

十二日乘汽車遊拒拉士（Jellicott）。初由山谷行。風爲兩山所阻頗熱。嗣漸行漸遠。過許多山谷。而至山腰。復經許多山腰。將至山頂。始所行者爲土山。故林密草青。人家散處。至此則一望石山。雖間有草木。亦從石隙生出。並不高茂。經過二三石巖。中經一石洞。石洞之旁有數十丈之小瀑布。再經多少石山。到一處。又有瀑布一處。瀑布激成之石洞。有二十餘尺。水亦頗曲折。雜以大石野花雜樹。頗有幽趣。其後復由之字形之路。曲折繞至山頂。中有人家十數。皆石屋。此等人家。一切應感不便。復聞一老婦呼一坐路旁刺繡之妙齡女子曰。若不歸家看守。則影相鏡被竊我不管。該女子含笑。匆匆起去。豈此絕頂之屋。尚有梁上君子耶。而法國女子之習性。亦可於此覘之。其時下望。小山如土堆。小山上之人家疏落點綴有致。向遠南望。則見大海。而海風吹來。隱隱猶聞濤聲。此後車雖復西行。然已向下。經過數山後。乃豁然開朗。見無數人家。依山而住。復有電車行於其間。蓋拒拉士至矣。拒拉士係法國製花露水之地。故其地隨處種花。紅白爭開。芬芳撲鼻。殊雅境也。此間人家大都以花爲生。採花多用女子。早四時

至八時工作。過此花少香也。參觀其製造花露水廠一。則百年前所創設者。同時車經別路。不再行山。初經山邊花田。繼經松林。嗣則村落。至沿海旁行。再過數市。即回尼西矣。

十三日乘汽車遊麻納哥國。因前日經過。只觀其賭場。他未及觀。車東行約一時而至。先參觀其王宮。其偉大萬不如其賭館。門前只立持槍者一人。與賭館門前司事者十餘人不同。以二佛郎購票入內。有制服引導者一人。入門天井皆細石亂堆。行其中。聲響甚大。殆亦守備之法乎。有樓房數十間。其左云爲王所住。靜若無人。其右則許參觀。入廊。即見中國大花瓶四。以次參觀其各廳室。皆華美可愛。壁懸其王家之繪像外。并懸法國路易十三等之像。中有議事廳一。則爲王及其閣員議事之地。據云國有政事。由王及閣員二十四人議之。無國會。有衛兵九十。警察一百五十。并有美術專門學校一所。其中座爲教堂。王所祈禱處。閣員亦得參與。次參觀其水產博物館。此館有名於世。地之下層。爲水族之生者。其地上及樓。則陳列各水族標本。及漁具。聞其今王之父。(即前王)係水產專家云。此後乘汽車。不半小時遊盡其全國。其國依山而成。面臨地

中海。除半山以上皆不能建築外。覺無寸地不加工人。其屋宇密列。有若石榴子。道路良好。地方清潔。賭爲巨禍。乃造福于此二萬餘人。覺入其國。似無窮民。亦世界之最奇特者。傍晚乃回尼西。

十四日由尼西乘公共遊客汽車。回意大利熱那亞。去時由海東行。今乃越山而返。歐人供遊客。總使人處處新奇。故遊一地。往往來去不同其路。此次越山之路。開闢者爲拿破崙。其路甚佳。法國南方之路。可與美國比。優於法國北方實多。法國凡旅館筵席及買賣有捐固矣。而尼西等處。每客住旅館。須納市政稅一佛郎。此其路政較良之徵歟。車逐漸由下而上後幾大半在山頂行駛。左山右海。頗極大觀。導者每至有古蹟勝事則高言告衆。若者爲某山。若者爲某市。若者爲幾年前物。若者爲某世紀物。直至將近意境之孟東 *Moulon*。車始復至平地。沿海而行。入意境後。仍至聖里摩。改乘火車。聖里摩意人日多。欲與法之尼西爭衡者。現相差尙甚遠。至六時有奇。抵熱那亞。本口在頭等車中。遇一捧喝團員。偕其父與妻同行。其父與妻亦團員也。彼此相詢後。暢談其團中情形。據云。伊爲住法南部尼西之黨員。在尼西開設大餐館者。歐洲各國隨處

皆有該黨之組織。法國南方尤多。因意大利反對該黨之人。逃在法者。共有百餘萬。爲不利捧喝團之宣傳。故特設黨部以對付之。尼西方面。有黨員四百五十餘人。中有外國人。每年集大會二次。平時不開會議。惟黨員得任意聚集。如俱樂部之類。以交換感情。每星期復有演講會一次。演講以黨之歷史及目的爲主要。間亦有演講科學及世界史者。演講員限於黨員。演講地在領事館。至黨費則每年共十二意幣。愿多捐者聽。復出其黨證相示。面爲黨徽。內爲像片及籍貫等。背有章程數條。專爲海外黨員設者。(一)黨員應守規章。否則逐出。(二)黨員在某國時。應守某國法律。(三)黨員不得參與所在國之政治。及其政治談論。(四)黨員在某國貿易或求學。應盡力前進。(五)黨員有互助之義務。復暢言一九一九年至二十年。意大利爲共產黨搗亂。致國不成國。民不聊生。幸捧喝團出而主政。始行挽救。彼復縷述其於一九二一年時。在某地與共產黨作戰及受傷情形。彼復曰。現在意大利之好人。皆已入捧喝團。談及意大利生活程度之高。答曰。並不高。若各種附加稅等。則人民爲國出力理應然者。

十五日參觀熱那亞大學。由其校長招待。此校有理科。法科。經濟學科。藥科。醫科。

勢。醫科復分內外科二科。此外尚有化學學院。植物學院。學生共有一千四百人。內有外國學生一百五十人。

教授有百人。每年薪金多者爲四萬意幣。

全年經費。除教授薪金完全爲政府直接給與不計外。其餘各費共三百萬意幣。其中一百八十萬爲政府撥付。餘一百二十萬爲學生學費。暨地方資助。

詢其校長以教育方針。及捧喝團下之教育。據云。教育方針在養成愛國之國民。悖此旨之學生務去。取純不取多。至捧喝團執政之後。對於教育。極力注意。計意國有十大學。務於三年之內。俱使其成爲最新及規模極大之學校。故各大學。俱有大宗款項。爲建新校或實驗室。以熱那亞大學論。日前政府撥一千六百萬意幣。於熱那亞城外。另建大校舍。計一九二七年。全國預算爲一八・三五三・三〇三・六五五意幣。教育費則爲一・三一八・九六四・八三五・意幣。此項教育費。與全國建設費同。近年國家各費均減。惟教育費獨增。本年增加一萬一千萬意幣。故意國每年預算除國債外。軍費爲最多。次則教育費與建設費。大學教育權獨立。校長由政府派。得以自由改訂章程。及聘任

教授。至此復重申明曰。教育權雖云獨立。但政府所派之校長。悉爲最親切之黨員。亦即無不爲有益於黨國之教育。此十大學爲國立。米蘭尚有完全黨立之大學。各科均備。且極良。費出地方。不出國家。米蘭地方。完全爲捧喝團。即謂出之自黨員可也。本年熱那亞大學。派一物理教授往瑞士。一化學教授往法國。一醫學教授往英國。另派學生往歐美各國。歸來亦無非爲黨國。至中學及小學各有負責人。其教科書。則悉由政府編制。其再三言者。則云吾輩黨員。爲黨做一事。卽爲黨盡一分力。固不在多言也。

其接待室中懸慕沙里尼像。兩旁則爲意王像。至其校長接待及談話。均甚親切誠懇。正在放假試驗時期。對於考試甚爲注重也。

●十六日早到羅馬。蓋昨夜坐臥車來也。途中均在睡中。無可述。但車似頗震動耳。到後。稍事休息。乃乘汽車馬車電車及步行。漫游全市一週。聞教堂多至六百餘。大而且古之建築物甚多。殘廢之水道。城樓。地道。尤不少。隨處均見噴池。石像。銅像。及埃及尖塔。道路寬大。但築路多半用石塊。較中國舊石路尤不整。路樹尙少。塵土甚多。公園雖有。都不大。草木亦凌亂。惟公園中。甚多紀念石像。今日乘車。到處車夫皆